

**Jubilæum Sæculare Ecclesiæ Catholicæ Per Septendecim
Sæcula Militantis & Triumphantis Contra Idololatriam,
tyrannos, hæreses, schismata, errores, & scandala**

Per Septendecim Sæcula Militantis & Triumphantis Contra Idololatriam,
tyrannos, hæreses, schismata, errores, & scandala ; Ex Annalibus
Ecclesiasticis collectum Pro Xenio Oblatum Academicæ Sodalitati
Dominorum B. Mariæ Virginis Annunciatæ Herbipoli, Anno ...

Herbipoli, 1700

Decas V. Ab anno Christi 540. ad annum 550.

[urn:nbn:de:hbz:466:1-64756](#)

Ab anno 540. ad 550.

42

nes incendit, ut sic igne & sanguinē urbs de tot hæresibus in ea natis purgaretur.

Theodeberdus Rex Francorum ingen-
tem exercitum in Italiā dedit, sed pe-
ste infectis copiis, plūs militum perdidit,
quām prædæ acquisivit.



DECAS V.

Ab anno Christi 540. ad annum 550.

541. **B**Elisarius revocatur ab Italia invi-
diā ob res præclarè gestas Justini-
anum stimulante. detulit ille secum Prin-
cipes Gothos ferè omnes, cum Vitige Re-
ge, & vim ingentem pecuniae.

Adadus Auximitarum Æthiopum Rex
obtentâ insigni victoriâ à Rege Homeni-
tarum, Damiano Judæo (erat hic Christi-
anus, sed à fide apostata) tinctus Baptisma-
te sacro fit Christianus. S. Placidus disci-
pulus S. Benedicti propè Meßanam cum
multis monachis à Manutio piratâ marty-
rio afficitur.

Justinianus, dum Ecclesiasticorum vult
vindicem agere, & prævaricationes eorum
laicis Præfectis examinandas & puniendas
permittit, contra fas nefasque Sacros Ca-
nones violat & conculcat.

Gothi

* (542.) * Gothi post aliquot mensium breve regnum Ararico perempto Regi suo sufficiunt Totilam, qui bis cum exercitu Romano signis collatis vicit, & animū reddidit Gothis quem Romanis vincendo abstulit.

Childeberdus & Clotarius Francorum Reges contra Theudem Gothorum in Hispania Principem bellum gerunt, & Cæsar Augustam usque penetrant, unde nihil in Gallia reportārunt præter S. Vincentii tunicam in templo, quod postea S. Germani dictum est, repositam.

* (543.) * Totila multis provinciis potitus, obsidet Neapolim, & capit. Mitor redditur monitis S. Benedicti, qui circa hæc tempora è vita decedit.

Belisarius adversus Cosrhœm Persarum Regem cum copiis proficiscitur, sed, lue grassante in exercitu, inglorius redit.

* (544.) * Belisarius adversus Totilam Romæ iniminentem, educit exercitum.

Sævit pestis ingens in Oriente ab urbe Pelusio orta, & sparsa per genios malos humanâ specie hominibus apparentes, sedata Constantinopoli B.M.V. Patrocinio, unde 2. die Februarij festus dies Hypapantes exortus est, magnæ deinceps per totam Ecclesiam celebritatis.

* (545.) * Belisarius crucem auream pre-

pretiosissimis gemmis exornatam centum
librarum per manus Vigilii Papæ S. Petri
cum aliis multis muneribus offert.

Edessa per virtutem Imaginis S. Crucis,
quam ipsorum quondam Regi Abgaro à
Christo Domino missam memorârunt &
honorârunt, à Cosrhois exercitu libera-
tur, didicitque incredulus hostis verum
esse quod fama sparserat Edeffam virtu-
te hujus crucis a nullo Christi inimico ex-
pugnandam.

* (546.) * Totilas s̄evit in Episco-
pos, ac præcipue S. Cerbonium Populo-
nii, quem Urso dilaniandum objecit, quod
aliquos Romanos milites contra Gothos
custodiisset, cum verò Ursus intacto Epis-
copo pedes lambendo adularetur, ipse
quoque efferus tyrannus mitior factus
Episcopum veneratus est. Urbem dein-
de Romanam obsedit & dirissimè cives vel
suæ lanienæ vel fami vietimare omnibus
modis laboravit.

Vigilius Papa compositurus controver-
sias circa libellum contra tria Capitula or-
tas, venit in Siciliam, & ut ostenderet,
quām bene erga Romanos affectus eſbet,
inde multas naves frumento onustas Ro-
manam misit, quas Goths interceperunt, &
vectoribus occisis Valentiniū Episcopum
Can-

Candidæ sylvæ utrâq; manu truncârunt.
¶ (547.) Roma dirâ fame diu con-
flictatur, tandem aliquot Isaurorum mili-
tum, qui pecuniâ labesactati erant, prodi-
tione capitur, hostibus per Portam Asina-
riam intromissis. Urbs direpta, cæsi pauci
omnibus ad templo confugientibus, quæ
tunc asyla fuerunt. Pugnatum deinde Be-
lifarum inter & Totilam acerrimè, & va-
rio eventu donec Belisarius aditum in ur-
bem præripuit Totilæ, eamque sic muniit,
ut seriùs venientem Totilam facile repu-
lerit.

Vigilius Constantinopoli perhonorifi-
cè excipitur populo accinente: *Ecce adve-
nit Dominator Dominus Sc.* Disceptatio de
tribus Capitulis multùm agitata, ejusque
solutio ad quintum Oecumenicum Concili-
um rejecta est.

Fuerunt autem hæc tria Capitula, quorum se-
piùs *Historia Ecclesiastica* meminit, tria illa po-
stulata, quæ Theodorus Cæsareæ Cappadociae E-
piscopus occultè Origenis defensor ad hujus dam-
nationem vindicandam Justiniano dolosè propo-
suerat, primò ut damnationem promulgaret con-
tra Theodorum Mopsuestenū, cuius laudes (quā-
quam heretici) Synodus Chalcedonensis suscep-
set; Secundò contra epistolam Ibæ Edesseni E-
piscopi, quam licet Nestorianam Synodus tamen
Chal-

Chalcedonensis Orthodoxam pronunciâisset. Ter-
tiò adversus scripta Theodoreti Cyri Episcopi,
contra Cyrillum Alexandrinum, quæ tametsi
auctòr pro Nestorio edidisset, eundem tamen Sy-
nodus in communionem recepisset, suggestit itaq;
fraudulentius Imperatori, si contra hæc damnationis
sententiam ipse publicaret, fore ut Ace-
phali Synodus Chalcedonensem facile essent sus-
cepturi. Ethæc sunt illa tria Capitula Synodi
Calcedonensis, ex quorum damnatione à Ju-
stiniano incaute factâ plurima mala oborta, &
Ecclesia longo schismate lacerata est.

* (548.) * Romanus exercitus multis
cladibus a Gothis afficitur in Italia, addi-
tumque ad alia damna, ut Sclavinorum ex-
ercitus transmissio Istro Illyricum occupâ-
rit.

Theudis Rex Gothorum in Hispania oc-
cisis est, cui Theodegisilus succedit, ipse
etiam post annum ac menses 7. occisus,
quod curiosius de fonte Baptismatis in Lu-
sitania inquisivisset, ut ei fidem derogaret.

Miraculum porrò circa hunc fontem ita
se habebat. Teste Gregorio Turonensi,
quot annis in die Sabbathi sancti piscina
priùs vacua ita sponte sua replebatnr, ut
licet altiori cumulo huc illuc latices fluctu-
arent: haud tamen in partem diversam a-
qua defueret; immò etiam consperso desu-
per

per sacro Chrismate, cùm omnis populus
exinde pro suâ devotione hauriret, agros
vineasque saluberrimâ aspersione tutatu-
rus, nunquam tamen cumulus diminutus
est, quo usq; infante primo tintto, mox a-
qua reduci inciperet, & baptizatis omnib⁹
lymphis in se reversis, uti initio incogni-
to hæc fiebant, ita & fine ignoto desineret;

Floruerunt ad hæc tempora virtutibus
& miraculis insignes duo viri, alter Barsa-
nuphius in Ægypto anachoreta mirabilis,
qui per quinquaginta annos in ædicula in-
clusus nec à quopiam visus est, nec qui-
quam alimenti sumpsit è terrâ & miraculis
tamen plurimum inclaruit, Alter fuit Si-
meon Emissenus, cognomine Salus appel-
latus, qui piè stultitiam simulans ingentia
edidit miracula in convertendis hæreticis
& Judæis, nec non dæmonibus confun-
dendis.

Theodora Augusta non multò, post
quam à Vigilio anathemate perculta esset,
moritur.

Contigit eodem anno Joannis Cappa-
docis exitus, qui Consul quondam & præ-
fetus prætorio ob suspicionem malignam
bonis exutus Cizycum relegatus sumere
Sacerdotium coactus est, cum verò Epis-
copum suum occidisset in Ægyptum exul-
dedu-

deductus in Antinoiam urbem, stipem ab
obviis emendicare compulsus est, Neque
tum spem Imperii posuit, quod ei à quo-
piam prænunciatum esset, Augusti habitu
induendum esse. Infælix qui nesciebat,
jam impletum esse vaticinum, cum enim
Sacerdos fieret deficientibus vestibus ec-
clesiasticis, oblata est ei vestis quæ Sacer-
dotis cuiusdam fuerat Augusti nomine.

* (549.) * Belisarius ex Italia, ubi non
pugnare, sed fugere postremis temporis-
bus videbatur, precibus uxoris suæ revo-
catur & reddit, planè inglorius posthac fu-
turus, cùm violentas manus in sylverium
Pontificem injecisset, res etiam Imperii
Romani in occidente penitus concidit
Gothis iterum tyrannidem exercentibus
& Italæ dominantibus.

Franci econtrà Massiliam & totam in
Galliis ditionem Gothorum obtinuerunt,
à Gothis sibi concessam, & à Justiniano
confirmatam, atque exinde nummos au-
reos Principum suorum imagine notatos
primi cudere inceperunt, cum id nec Per-
farum Reges, neque alii barbari Principes
attentâissent, sed id juris tantum Romano
Imperatori reliquissent.

* (550.) * Artabanes, Arsaces, &
proceres nonnulli conspirant adversus Ju-
stinia-

stinianum, & auctum fuisset de vita nisi molitiones detectæ essent.

Gothi rursus Româ potiuntur proditione Issaurorum, cuius destruendæ consilium iniierat Totilas, sed ab hoc proposito eum avertit S. Aurelianus Episcopus Arelaten-sis, & Childebertus Rex Francorum, cuius filiam sibi in uxorem postulabat.

Vigilius dicit anathema in Rusticum & Sebastianum Diaconos S.R.E. quorum operâ conflatum erat schisma, propterea quod Pontifex Eutychianus esset (era hæc calumnia ab adversariis Vigilio impedita) sed nihil profecit quin magis tumultum anathematis fulmen adauxit. Itaq; de Concilio universali seriò cogitatum quod Mopsuestiæ coactum est & Martanius comite domesticorum à Justiniano eò misso, quæsitum, an Theodorus Mopsuestinus fuisset unquam in Sacris Diptychis inter Catholicos adscriptus, & cum ejus loco semper nomen Cyrilli scriptum fuisset renunciaretur Vigilio & Imperatori, si aperta est via, ut is quoq; à Generali Concilio damnaretur, ejusque publicâ damnatione Catholicis omnibus pax redde-retur.



DECAS